

Ata resultado di overtime pa polis

# Atracadornan a "Hands-Up" y raspa tur hende

Propio ruman muher di ministro encarga cu husticia a bira victima

ORANJESTAD (AAN): No kere cu ta Cuerpo Policial di Aruba ta pasa den problema cu pago di overtime. Pero na Curaçao lo igual y pa colmo den un atraco arma formal cu a tuma lugar na Isla di Curaçao.

Loke a hala atencion, ta cu e grupo asalta bao di e

victimanan ruman muher di ministro di husticia a sinti esaki den propio cuero. Ta asina cu un grupo di persona tabata atende den tur tranquilidad un anochi di informacion riba salud.

Diripiente dos individuo mascara a drenta den e lugar aparentemente cu obheto den

nan man parecido na arma di candela a ordena tur esnan presente pa no vacila y entrega tur nan pertenencia.

Tur locual cu e atracadornan por hiba nan a bay cune, tas, celular y otro articulo di balor pa despues sali bay laga tur hende den un shock tremendo.

E grupo cu lo ta consisti di mas o menos 20 pa 25 persona mas hamas por a pensa imagina cu tin persona sin escrupulo a drenta comete un acto asina. Tanto homber y muher cu a asisti e anochi mes a keda babuca y mesora a reporta e caso na polis.

Pero a resulta cu e warda mas cerca no tin personal pa motibo a corta gastonan relaciona cu overtime.

Manera nos a menciona bao di esnan asalta tambe a bira victima di e situacion penoso un ruman muher di e ministro di husticia di Antiyas Davis Dick. Ayera e locual a socede a keda comenta tur caminda ya ta imposible cu no tin polis pa

traha y pa colmo ta hunga seriamente cu seguridad di un pais debi na overtime cu gobierno no kier y no por paga.

Ta spera cu nos gobernantenan Arubano muy

en particular ministro di husticia tene debido cuenta locual a caba di socede na Curaçao ya cu su persona ta responsable pa seguridad di cada ciudadano Arubano riba e baranca aki.

Tur indicacion ta muestra cu Nel por bin cu hopi mas medida

## Pueblo mes gusta y ta acepta

ORANJESTAD (AAN) — Mirando loke a bin ta tuma lugar durante ultimo 5 aña di mal gobernacion di MEP cu Nel Oduber na cabes, unda cu nan por a malgasta placa na grandi y introduci medidanan impactante riba lomba di pueblo, tur cos ta indica bon cla cu gobierno por bin cu hopi mas medida.

E lema di campaña di MEP, 'Nos si por mas' no tabata un lema bashi y sin pensa pasobra esnan di MEP tabata tin bon planea pa bin cu mas medida y ta pesey e lema di campaña tabata pa poco poco laga pueblo custumbra cu bida ta bay bira hopi dificil y nan no mester a ni brainwash pueblo pasobra pueblo mes a muestra di ta gusta y acepta.

Friends and family di MEP tabata y ainda ta sigui chica caha di pueblo mientras

pueblo mes ta mas interesa den conciertonan y happy hour y den siman yama radio pa zundra y keha y manda remitido pa prensa.

Lanta para y muestra cu fiesta cu placa di pueblo mester caba esey si ta un tiki

**Sigui lesa Pg. 5**

Loke tempo ta muestra pa awenochi...

## Ola Tropical lo pasa panort di Aruba

ORANJESTAD (AAN): Pa awe, temporalmente mas nubia lo pasa riba e islanan aki. Especialmente den oranan di mainta, algun di e nubianan aki por ocasiona un awacero local.

E siguiente Ola Tropical riba parti pariba di Caribe, ta move den direccion pabao y lo pasa cu mayoria actividad panort di Aruba awenochi laat.


Pronostico di tempo pa awe ta muestra cu cielo ta por lo

general, parcialmente nubla. Den oranan di mainta, temporalmente lo bira hopi nubla cu algun awacero local.

Biento ta modera for di direccion pariba entre 13 y 30 km/h. Principalmente den dia of durante awacero, e ta de vez en cuando basta fuerte te fuerte den rafaga entre 31 y 50 km/h.

Haltura di olanan riba laman grandi ta entre 0,5 y 1½ meter.

## NO TIN SCAPATORIO!!



**BEST DEAL**

Tel: 5827100

(Pariba di Aruba Bank, Paradera)

**BEST SHOPPING DEAL**

Turibana Plaza

Tel: 5865455



**LUNCH BOX**

Antes Afl. 20,=

AWOR Afl. 12,95